

15 N'dash da-gū da na lipgeluksh ksh-shagou gasha'antk ga shim da? āwil lip magaunshk gū dā gwashim ami n'za da'aklthkshīt nha dum kshadoga shim na gawilil shim ada na ma dum shim gilginam didā goi.

16 Wai, lthanibilthgaushk ga shim ā goi yūi alth na wil malthilth shim-hou ā gwashim;

17 Shimgit gwilthgagū'un shimt althga ama wil walt; ain, hashakt da dumt tkulshgadōsha shimt ma dum shim wil guilthgagūelsh dupni-adit.

18 Ada gup ām dum wazaga shigilth gwilthgagūelthk ga dit ā ām da gaut, ada althga amuksha da hokshk gi ā gwashim.

19 Gubutgūelth-gūi, gū gun hazukshum gik waumgushk gūt wagait dum wil lūzaphish Christ didā gwashim,

20 Yagai niad, hashagū dum hokshk gū dā gwashim gĩaōn, ada n'dum shitiyāu da amhouyūt; āwil lūtg-wa'haik ga gaudū da wila wāl shimt.

21 Malthilth ā goi, nūshimt gū hashaga dida dum kshlthū dida wilalaut, alth ma shim naknō di gū wilalaut?

22 Awil damtk ga dit, dupkadōl ga klthgūm yōsh Abraham; gaul ga lthgōlthk gut gish ga wadūk ga, ada gault gish ga al lipgiadum hanak ga.

23 Wai, al gup ligi lthgōlthgum shamet ga lthgōlthk gish ga wadūk ga; ada al lthgōlthk gish ga lipgiadum hanak ga na ēshk ga di ga gun giad ga.

24 Gū wiltkulnēunshk ga gwa: āwil gō'belum magaunshk ga nawān hanānaga gwa: gaul wātēk ga dida shgunishum Sinai in dagutgoidūksha klthgūm lthlthūngiat dit, gū ninish Hagar.

25 Wai ninish Hagar gū shgunishum Sinai da Arabia, ada nini wāl

Jerusalemun' gĩaōn; āwilt shila lthi lthū'ungiada klthgū dit.

26 Ada lipgiatsh Jerusalemum lakāga gū ga naun ga.

27 Awil damtk ga dit, Lthgwish-gū'un gū gup whati lthgōlthk ga dit; sha gagun, ada aiawān gū whati hāk ga dit, āwil gabelda kthgū libagait hūwālt ga dit ā al naksha dit.

28 Wai, nūgumt waikia hoigiagum na wālsh Isaac ga, klthgūm ēshk ga dit nūgumt.

29 Ada al niwālt ga na wālsh ga na gup ligi lthgōlthgum shamet ga ash gut lūshūwilinshk ga na giadit gish ga na housh ga Haik ga, ni gik wāl dit gĩaōn.

30 Wai, ada al gault hou N'lthōdukshum Damishiit? Sha daltha wadūgwut, dilth lthgōlthk ga dit; āwil althga dum di shila n'tkulānūlth lthgōlthk gulth wadūgwa lthgōlthk ga lipgiadum hanāgut.

31 Waikia, gun althga wadūgwulth na klthgū dā gum, yagai lipgiadum hanāgut.

CHAPTER V.

1 Gun shimgit makshk ga shim ā lipgiadiada n't halipigia'numt Christ dit, gilaun za gik hazukshum hakhokshintk gulth dadēum lūlthilthūngiat dā gwashim.

2 Ni, hōuyū dā gwashim, nūyū Pauli, gū ami ma za shim doklth circumeision, althga dumt kshtāun shimt Christ dalth ligi gau.

3 Yagai niad, gik magaunshk-ganū da tkānish nā t'in gā circumeision ā gup ēshk ga dida dum wāl dida tkāni wilalaut.

4 Sha lthaqushin shim dash Christ, ligit nā dā gwashim gū ksh-hoigiagun wilalaut; ltha shaqulthal shim dā wātēk gut gish ga ām ga.

5 Awil dup babōadish ga nabōish-